

Guangjisi Minzcu Bau

ganhhau: CN45-0036 B.2020 Nd.1 Ng.15 liggaeuq geijhah nienz ndwenlab ngeih'it

广西民族报

(壮文版)

主管主办: 广西壮族自治区

民族宗教事务委员会

编辑出版: 广西民族报社

出版期数: 总第 3408 期

Aen Hoih Fatbouh Yonjgen Fanhoiz Yaemvah Cinwngz Vah Saw Minzcu Nem Aen Yizsi Giensoengq Youq Baekging Banh

Ndwen 1 ngoenz 9, aen hoih fatbouh yonjgen fanhoiz yaemvah cinwngz vah saw minzcu nem aen yizsi giensoengq Cungguk Minzcu Yijvwnz Fanhyizgiz youq Baekging Gozyiz Binhgvannh.

Ciuq cam rox, geij bi neix daeuq, Cungguk Minzcu Yijvwnz Fanhyizgiz gaenjdaet hopheux gij daihbuenz hong dangj caeuq guekgya, leihyung "muengxdoxlien + " gisuz, aeu vah saw minzcu saenqsikvaq dangguh gij fwngzgaem youqgaen hawj vah gak minzcu doxdoeng, haenqrengz guh

ndei, aeundaej baenzroix cingzic. Daengz seizneix, yenzfaz baenz Mungz-guj, Cang, Veizvuzwj, Hahsazgwz, Cauzsenh, Yiz, Cuengh 7 loh vah saw minzcu cinwngz fanhoiz, yaemvah cienj raiz, aen hidungj hoih minz Gun, seizseiz fanhoiz minz Gun, fanhoiz cinwngz yaemvah daengj 50 lai aen yonjgen yung hawj vah saw minzcu, daplaeb le muengx youqsienq fanhoiz vah saw minzcu Cungguk Minzcu Yijvwnz Fanhyizgiz www.mzywfy.org.cn, caemhcai aeu gij cingzic neix gunghawj caezgya yung hawj aeu

cienz.

Mwh hai hoih, Guekgya Minzvej fucujyin Cinz Gaijhu soengq aen yonjgen hawj doengh boux daihyauj Neimungzguj, Gizlinz, Guengjsae, Swconh, Sihcang, Sinhgyangh daengj swngj, swcigih minz(cungh)vej(giz). Guekgya Minzvej mizgven bouhmonz caeuq doengh bouxvunz fucwz Neimungzguj, Gizlinz, Guengjsae, Swconh, Sihcang, Sinhgyangh daengj swngj, swcigih minz(cungh)vej(giz) daengj 50 lai vunz wngqiu caeuqfaenh aen hoih fatbouh nem aen yizsi giensoengq.

SIUSIK DINJ

● Ndwen 1 ngoenz 10, Lozcwngz Mulaujcu Swciyen Cunggunghvei lienzhab minzcwng, gungh'anh, gyauhgingj daengj bouhmonz, youq aen camhheiqci ndaw yienh haiguh aen hozdung fugsah vunz guhhong dauqranz, gunghawj raemxdangzning ndat caeuq mienhfuengbienth daengj doxgaiq hawj vunz guhhong dauqranz, fat gij swlhliu ancienz ok rog caeuq vunzguhnaez cauhnieb couhnieb cwngecwz, raeuj sim gyoengq vunz guhhong dauqranz.

(Cinz Hwngzsi)

● Ndwen 1 ngoenz 11 dwg ngoenz cuengqgyaj aen ban Dujyauz Hocouh Si Gveibingz Gih Vwnzvaz Hagdangz, Hocouh Si Gyauhgingj fatdoengh aen giyez simndei ndawbiengz gapbaenz aen doih ci fugsah, hai ci geij cib goengleix roenbya, aeu ca mbouj geijlai 50 boux hagseng Dujyauz youq hagdangz doegsaw haenx soengq daengz Ngozdangz Cin Mingzmeiz Dujyauz Cunh, hawj hagseng Dujyauz ndaej ancienz dauqranz.

(Vangz Sihuz)

● Mboengqneix, Nanzdanh Lauxnien Daihhag aen ban fwen haiguh aen hozdung soengq vwnzva bae mbanj. Bae hozdung soengq vwnzva bae mbanj neix, aen ban neix hopheux vut gungz gunggeng, lajmbanj saenqhwng daengj neiyungz bien le 200 lai hot fwen, senhconz fuengcim cwngecwz dangj hawj vunzlai.

(Mauz Hijcing)

● Mboengqneix, Lungzcouh Yen Swhfazgiz lienzhab Yangsuij Cin Cwngfuj youq aen cin neix haiguh aen hozdung senhconz fapceih. Bae hozdung neix gungh fat 3000 lai cek saw gvendaengz guhhong habdoengz, gyau-doeng ancienz, baujhoh swngghai daengj 16 loh saw cienzdoh fap hawj vunzlai, vunzlai ndaej ik 800 lai vunz.

(Lij Gveizfungh)

Liujcwngz: Bouxgagnyienh Vwnzyi Soengq "Fuk" Bae Mbanj



Ndwen 1 ngoenz 10, Liujcwngz Yen Vwnzlenz, Dabuj Cin Cwngfuj youq Dungzging Cunh lienzhab banh aen hozdung seizdaih moq vwnzmingz saedhengz cungsim haeuj mbanj haeuj ranz, aen cawjdaez dwg "angqhoh vut gungz angqcoux ciengmoq". Aen yienh neix ca mbouj geijlai 20 boux veiyen aen hezvei suhfaz caeuq gyoengq bouxgyaer raiz sawmauzbit bae daengz Dungzging Cunh, raiz doiqcieng caeuq cih "fuk" hawj vunzlai dangdieg caeuq ranzgungzhoj mbouj aeu cienz, aeu gij hohfuk gyaeundei ciengmoq soengq daengz ndaw sim vunzlai bae. Ndaw doz dwg bouxgagnyienh cingq raiz doiqcieng.

(Dwng Gwzyi Veiz Bazyiz/邓克轶 韦拔益)

Fuzsuih Yen Yung Lai Cungj Banhfap Guh Ndei Hong Yung Doigvangq Cuengh Gun Song Vah Saw

Geij bi neix daeuq, Fuzsuih Yen youq "sonhag, son'gyauq, yung" daengj roengz goengfou, guh ndei, ok banhfap ndei, cauh cingzic ndei, yung lai cungj banhfap guh ndei hong yung doigvangq Cuengh Gun song vah saw.

Guh ndei sonhag Cuengh Gun song vah saw, cuknet gij giekdae hong. Fuzsuih Yen miz Cunghdungh Cin Cungsim Siujyoz, Cunghdungh Cin Sinhlungz Siujyoz caeuq Cunghdungh Cin Swhdungz Siujyoz 3 aen hagdangz sawq son Cuengh Gun song vah saw, miz lauxsae Vahcuengh 19 vunz, miz hagseng hag Vahcuengh 1391 vunz. 3 aen hagdangz neix nyinhcaen guh

sonhag Cuengh Gun song vah saw, cungfaen yung gijndei Sawcuengh, yung Cuengh coi Gun, Cuengh Gun giethab, aeundaej le itdingh cingzic.

Guh ndei senhconz son'gyauq Vahcuengh, cauh'ok gij heiqaen guhhong ndei. Geij bi neix daeuq, Fuzsuih Yen yawjnaek fatyienz vwnzva Bouxcuengh, doidoengh swncienz caeuq laebdaeb hwngfat Vahcuengh, yung lai cungj hingzic guh hong son'gyauq Vahcuengh Sawcuengh, doenggvaq baenzroix son'gyauq senhconz, caenh'itbouh gyalai gij cingzsoq roxyiuj vwnzva vahgangj minzcu, cauh'ok gij heiqaen guhhong ndei.

Guh ndei yung doigvangq

Cuengh Gun song vah saw, coicaen minzcu doxgyau dox baedauq. Daengx yienh gak gaep dangjcwng gihgvanh, giswyez danhvei gajgwz le aenyaenq, baiz danhvei cungj yung Cuengh Gun song cungj saw; youq Fuzsuih Densidaiz, Gvangjbo Dendaiz hai 《Saehmoq Vahcuengh》, cauh'ok gij heiqaen yung vah saw minzcu noengznwd; yienh yinzminz fazyen nyinhcaen guh ndei hong saemjbueng hengzguh, doenggvaq guh ndei laebanq, diuzgaij, hengzguh daengj hothoh, yung Begvah, Vahcuengh dangdieg caeuq Vahbujdungh bangrengz hong saemj, hengz aeundaej cingzic yienhda.

(Linz Yingj)